



Araia inguruetan elurra bota zuen atzo.

OLAÑDE

Maiatzeko kukua kantari hasteko sasoian, elurra eta hotza etorri

50 umek Ertzaintzaren laguntza behar izan zuten Gorbeatik jaisteko

Udaberrian ondo aurrera goazela, hotza, euria, txingorra eta hainbat lekutan baita elurra ere izan ditugu azken orduetan protagonista. Azken boladako eguraldi ederrak buelta hartu du ageri denez, eta datozen egunetarako ere hotz handia eta ekaitza iragarri dute adituek. Elurrak hainbat eragozpen sortu zituen atzo errepideetan, eta Gorbean oporretan zegoen 50 eskolaumeko talde batek Ertzaintzaren laguntza behar izan zuen bertatik jaisteko.

DONOSTIA

Jende asko eta asko kexu zen aurtien negurik ez duela egin eta. Udaberrian sartu ginenetik eta baita lehenagotik ere, eguraldi eguzkitsua, ateria eta epel antzekoa izan ditugu nagusi. Orain, ordea, badirudi buelta hartu duela eta azken orduetan ekaitza, euria, hotza eta zenbaitu puntu-

tan elurra ere izan ditugu.

Horren erakusle, temperatura hotzak izan ziren atzo goizaldekoak Euskal Herriko hiriburuetan. Donostian eta Baionan 2,8 gradu zentigradukoa izan zen temperatura txikiena arratsaldeko 18.00etatik goizaldeko 06.00etara bitartean. Bilbon, 3,1 gradutakoa zen temperatura eta Iruñean 2,6koa. Hotzik handiena Gasteizen egiten zuen ez bairik gabe, 0,8 gradu zentigradurekin.

Eguartera bitartean, temperaturek ez zuten asko egin gora. Edonola ere, Bilbok iritsi zuen epeltasun handiena 7,2 gradurekin, 7 gradu zentigradu zeuden Gasteizen, 5,2 Donostia eta Baionan eta 4,8tik ez ziren igo termometroak Iruñean.

Horrezaz gain, euria dezente egin zuen kostaldean (25 litro metro karratuko jaso zituzten Igeldon). Barnekaldean, eguraldia ez zen hain hezea izan, baina elurrak eta kazkabarrak hartu zioten lekua zenbaitetan euriari. Mila metrotik gorako mendietan elurra zegoen eta goiz partean baita baxuago ere, nahiz eta egunak aurrera egin hala urtu. Gasteizen, esate baterako, goitik be-

hera zetozen malutak ikusteko parada izan zuten ostegunetik ostiralera bitarteko gauean eta Nafarroako leku ugarian ere bai atzo goizean.

Arazoak ere sortu ziren errepideetan. Nafarroako mendate askotan oztopoak izan ziren atzo goizean, nahiz eta arratsalderako konpondu. Arabako Opakua mendatean kamioiek kateak behar zituzten atzo goizean. Arazoen artean aipatzekoa da Gorbean oporraldia pasatzen zeuden Barakaldoko (Bizkaia) 50 eskolaumez osatutako talde batek bertatik jaisteko izandakoa. Mendiko aterpean egin zuten ostegunetik atzo goizera bitarteko gaua, eta esnatu zirenean, elurrez inguratuta zeuden. Galtzeko beldurra sortu zitzaion begiraleei eta Ertzaintzaren laguntza behar izan zuten jaisteko. Edonola ere, inork ez zuen minik hartu.

Metereologi adituek iragarri dutenez, datozen orduetan ere egite berekoa izango da eguraldia. Gaur tenperaturak hotzak izango dira —atzo baino zertxobait baxuagoak— eta ekaitza izango da nagusi. 600 metrotik gora egingo ei du elurra.

UEUren Iruñeko V. Jardunaldiak datorren astean egingo dira

IRUÑEA

Udako Euskal Unibertsitateak (UEU) Iruñean ospatzen dituen V. Jardunaldiak hasiko dira heldu den astelehenean Nafarroako Unibertsitate Publikoan (NUP). Iruñeko Udalak antolatuta, jardunaldi hauek lehendabiziko aldiz izanen dira zentro unibertsitario batean, orain arte beste lokal batzuetan egiten baitziren. Hau dela eta, pozik agertu dira antolatzaileak erabaki honekin, euren irudiko «horrela jardunaldiak zentzu erabat unibertsitarioa hartzen dutelako».

Euskararen sona eta itzala indartzea da helburu nagusia, eta horrekin batera, irakaskuntza gorenko ikasketak ere euskaraz egin daitezkeela argi erakustea. Era berean, Unibertsitatean euskararen erabilera bultzatzea lortu nahi dute. Ostirala arte iraunen dute Jardunaldi hauek. Mintzaldiak egunero izanen dira, arratsaldeko zazpi t'erdietan, NUPeko 06 ikasgelan.

Kepa Altonaga UEUko zuzendariak Jardunaldien aurkezpena egingen du astelehenean, arratsaldeko zazpi t'erdietan, eta ondoren Zigor Arteaga biologoa 'Pirinioak: goi-mendiko ekosiste-

mak' gaiari buruz mintzatuko da. Hitzaldiarekin batera diapositiba emanaldia ere eskainiko du, zonalde honetako fauna eta beste ezaugarri batzuk erakusteko.

Astearterako, berriz, mahainguria dago antolatuta. Parte hartzaileek 'XIII. Batzarrean hartutako Euskaltzaindiaren azken erabakiak' gaia izango dute hizpide. Bertan, Miren Azkarate eta Patxi Goenaga euskaltzainek eta Patxi Salaberri Euskaltzaindiako Onomastika Batzordeko kideak solastuko dira. Enrike Diez de Ultzurren Euskalerrria Irratiko kazetariak egingen ditu moderatzaile lanak.

'Ahozkaritza Euskal Herriko kulturari' gaiari buruz hitz egingo du asteazken arratsaldean Fito Rodriguez Hezkuntz Zientzietan doktore eta EHUKo irakasleak. Ostegunerako, berriz, Rosa Ramos Alfaro filologoaren mintzaldia prestatu dute; 'Hizkuntzaren galera eta berreskurapena Nafarroan gaur egun' izenburuko solasaldia, hain zuzen ere. Jardunaldi hauen azken egunean, ostiralean hain zuzen, Baleren Bakaikoa Ekonomia Doktorea eta EHUKo irakasleak 'Gaur egungo ekonomiaren ahuleziak' gaiari buruz hitz egingo du.

NUPeko Klaustorako hautagaiak aurkez daitezke astelehenetik

IRUÑEA

Nafarroako Unibertsitate Publikoak (NUP) Klaustro berria hautatuko du maiatzaren 24an, Estatutuak onartu direnetik lehendabizikoa, hain zuzen. Heldu den astelehenean klaustro berri-rako hautagaiak aurkezteko epea irekiko da, eta zabalik iraunen du maiatzaren 2a arte. Maiatzaren 3an behin-behineko hautagaien zerrenda publikatuko da; erabatekoa maiatzaren 10ean. Hauteskunde kanpaina maiatzaren 11tik 23a arte izanen da eta 24an bozketa. Azken izendapenak maiatzaren 30an ziurtatuko dira.

Klaustroa da zentroko ordezkari-tza organurik inportanteena eta klaustroak onartuko ditu jarduerak bide egokienak eta NUPeko kudeaketa. Era berean, urtea amaitu baino lehen errektore berria onartuko du Klaustroak,

orain arte dagoena behin-behinekora baita, Estatutuaren agertzen den moduan. Estatutuak onartu direnez, errektorea ere hautatu beharko da. Alde hone-tatik, ordea, badago polemika, hilabetea amaitu baino lehen dagoen klaustroak aztertu beharko du Estatutuen afera. Jakina denez, Gobernuaren aginduz Estatutuen zenbait artikulua aldatu dira orain dela hilabete, eta euskarari eta NUPeko izenari buruzkoak izan dira istilutsue-nak. Klaustroak erabaki behar du zer egin: gauzak dauden bezala utzi edo Gobernuaren erabakia errekurritu.

Klaustro berriaren hauteskundeak dagokienez, zera diote Estatutuek: klaustroaren presidentea errektorea izanen da, Idazkari Nagusia Klaustroko idazkaria izanen da eta geratzen diren 150 kideak hautatuak izango dira.

HILDAKOAK

ARABA

- GASTEIZ Carmen Garcia Cabano, 86 urte. Jose Maria Martinez Martin, 64 urte. Felisa Ruiz de Alegria Saez de Ugarte, 75 urte. Jesus Maria Ramirez de la Peciña Ulanga, 65 urte. David Garcia Arias, 39 urte.
- LAUDIO Fernando Moscoso Vidal, 32 urte.

BIZKAIA

- BILBO Teodora Elorrieta Alonso, 85 urte. Eduardo Saiz Pastor, 70 urte.
- BARAKALDO Jose Maria Gutierrez Serna, 76 urte. Concepcion Corral Garcia, 69 urte.
- BASAURI Isidro Lasa Ioldi, 53 urte.
- ERANDIO Manuel Leon Gomez, 86 urte.
- GALDAKAO Remedios Estevez Perez, 74 urte.
- LEKEITIO Victor San Miguel Erze.

- MUNGIA Angel Uriagereka Uria, 60 urte.
- MUSKIZ Iñaki Garmendia Lejarza, 59 urte.
- SANTURTZI Benedicta Unamuno Tajada, 82 urte.
- SESTAO Vicente Gonzalez Arriola, 84 urte.

GIPUZKOA

- DONOSTIA Miguel Genua Sansinenea, 78 urte. Inocencio Irastorza Erauskin, 69 urte. Jose Martin Elizalde Elizalde, 87 urte. Juana Amilibia Irazu, 88 urte. Luis Julian Camara.
- AIA Maria Cruz Illarramendi Manzisidor, 87 urte.
- HERNANI Claudio Mateo Vicente, 62 urte.
- HONDARRIBIA Margarita Petrus Ibañez, 87 urte.
- LASARTE Angel Arruti Lizaso, 50 urte.
- URRETUXU Mario Tirapu Larunbe, 86 urte.
- ZUMARRAGA Juan Maria Antia Zabaleta, 84 urte.

BAIONA

- BAIONA Adrien Bourrust.
- GETARIA Anna Etxeberri.
- LEKORNE Stephanie Hirigoien, 86 urte.

NAFARROA

- IRUÑEA Ramon Gregorio Burgete Turrillas, 96 urte. Paula Ozkoidi Lareki, 91 urte. Engracia Guraueaga Olaetxea. Ramos Arriaga Indart, 94 urte.
- BURLATA Paulino Sanchez Gonzalez, 74 urte.
- MENDABIA Antonio Andueza Iabar, 85 urte.
- URANTZIA Jose Rubio Martinez, 71 urte.

NAFARROA BEHEREA

- JUTSI Jean Arhets, 86 urte.

ESKELAK

ESKELAK
ARRATSEKO 7AK
ARTE HARTZEN DIRA:
(943) 300 222